

山西府縣志輯

中國地方志集成

道光大同縣志
光緒天鎮縣志

新平知縣
PDG

中國地方志集成

山西府縣志輯 ⑤

道光大同縣志

光緒天鎮縣志

鳳凰出版社 ● 上海書店 ● 巴蜀書社

大同縣志序

道光庚寅春余將校士雲中之先適大同明府潘鄉黎君以所輯縣志來質初讀之而以為記事之書也每讀之而嘆為得心之言也夫大同自遼立縣於今千數百年矣不可不志

大同縣志

序

一

固已照集衆人之志與國前人之志以為志凡能志者皆可志也而創一家言以善權輿之始非久於其地習知其事者不能為得而志之哉夫久於其地習知其事者宰斯出者也顧宰斯出者之久於其地習知其事

與生斯出者同而其為志則或僅

以備文獻之系稽或足以觀經濟之虛實源流異而體用殊焉豈非以宰斯出者奉故事為文章舉一而因革損益宜民善俗之方無不圖身心之體驗較諸徵信於是聞

大同縣志

序

二

者固有精意存乎其中哉是故理煩治亂之才挾其聰明後辨於境而山川風俗利病得失無難瞭若指掌數言言之而其舉而措之者而未有實心實政以身踐力行於其間則雖興除備復亦

鋪張補苴之陳述也況乎上之
 談乎今黎君所志事必從閱歷
 中來語皆自肺腑中出蓋其所以
 志大固者即其所以治大同者矣余
 故曰得志之言非記事之書也雖然
 朱子知武康下車伊始即問志之

大同縣志序

三

有云有其治誠不可無其志而武
 侯治蜀蜀志獨略古人治蹟存已
 有時聽諸氣數矧雲中翔漢龜
 豈自昔戎馬戰爭殆無志日載
 筆者乎莫能於倥偬旁午中遠
 攬旁搜垂之簡冊以貽來茲而

黎君聯達

盛世得與此邦人民涵泳
 聖澤從容於休養生息之餘其下

目心思所獨得者上下古今析衷
 至當用以潤色休明宣德而達
 情多足則際得為之時因有得

大同縣志序

四

心之言而足以成不刊之書也又未始
 不可為黎君幸且為此邦幸
 與後之官此邦者幸也夫
 道光十年歲次庚寅三月望後
 山西督學使者昆明李煌撰



大同縣志序

粵自職方氏掌天下之圖訓方氏掌四方之政事與其上下之志此後世圖經所由昉也夫文武之道布在方策自易侯置守改封建而為郡縣雖一邑所轄提封無幾而民人社稷山川城郭戶籍出於斯兵賦出於斯英

大同縣志序

一

才傑士亦出於斯其規模建置儼然一侯封之制固未可以闕而不備也大同為古雲中地自武靈開闢捍禦雄邊洎元魏建都創設宮闕遼金復置陪都民物日繁規制愈廣屹然為全晉一重鎮其有待於紀述也尤亟顧自設縣以來有郡志而無縣志遂

使自古繁望之區等於偏隅下邑良

足慨已會東鄉黎君以名孝廉來尹茲土乃網羅放失博採舊聞延邑之名士共為纂輯凡二十卷部次州居秩如粲如而一邑之文獻乃不同無徵矣夫知縣者知此一縣之事使民風土俗往跡前猷茫然無所考鏡又

大同縣志序

二

何以號神明之宰今黎君於方百里之廣輪數千年之形勢朗若列眉瞭如指掌其於當因當革之政舉而措之尚有不詳且備者乎抑又聞黎君之為政也勤勤撫字如恐不及治事七年無廢不舉蓋求循吏於晉固將首屈一指宜其從容蒐討而得裒然

成集也夫雲中為新吾呂公牽絲之地其為政之要具於左右二銘誠能人人效法以呂公之治為治政安有不平訟安有不理者乎余嘉黎君之能勤於其職而更舉新吾呂公之銘以為僚吏勸庶幾風俗澄清閭閻樂業以仰副

大同縣志序

三

聖天子熙績釐工之至意余實有厚望焉

告

道光十年正月壬辰

賜進士出身通奉大夫山西等處承宣布

政使司布政使前署長蘆鹽政

文淵閣校理翰林院編修提督福建全

省學政歸安葉紹本譔

紹本

葉氏

記載貴能得實而立言期於有用文人涉筆動即許多門靡往之虛車徒飾傳信無聞況考風土即以驗政事塗澤何益耶天下郡邑皆有志其體雖昉於史而其義實準之經蓋言天文則屬易言政事則屬書言民風土俗及朝章典制則屬詩與禮而凡筆削褒貶則皆本之春秋以史筆而兼經術其

大同縣志序

一。

纂述原非易是以自晉稱名作者咸推康對山之志武功以其語無溢美事歸得實而褒誅褒貶實祖麟經遺意洵有功世教之文不可多得也大同郡即古雲中向多用武蒙恬李廣魏尚諸賢勛績彪炳是時厥後六代稱剽郡茲歷觀前人著作涉及秦

乾勾注間詩歌慷慨率皆邊塞之音蓋在前明猶以宣府大同為重鎮屯師多至數十萬居民鮮少至我

朝函夏一統

列聖相承怙冒後來開疆拓土凡窮邊絕域無不共隸版圖大同始為近郊之地二百年來聖化涵濡重熙累洽以故居民樂利刀斗無驚

大同縣志序

士多往誦之聲野之榛蕪之土其間城肆解宇商民雲集實為一大都會居今日作志若尚敷衍虛詞因仍體例而於現在疆土當如何培之治之現在民情當如何富之教之不能功實指陳有所措置是宜

朝廷設官小職之意耶守土小臣荷茲重任宜如何仰體

聖天子惠愛黎元之盛治自非實心實政昕夕講

求何由播諸方冊傳示後人

志融

自辛巳蒙

恩擢守大同每念材同樗櫟未能立功建事澤逮閭閻時覺抱慚余影郡志向未詳明惟自乾隆三十年間重修後為無繼者本擬續成一編間可稍抒已見乃以簿書鞅掌旋即量移太原因循未果今大同明府黎君蓮

大同縣志序

三〇

薌固循良吏也余作郡時諗知其廉幹本由經術以言吏治者歲在壬午君由天鎮調任附郭首邑久膺卓薦政通人和大同舊無縣志君則退食之暇陸續纂輯默自成編雖向未經示人而其臨事精詳構思於八年寒暑中者其用心固已勤矣頃者書成由雲中寄觀全稿囑余作序始得詳加披閱

見其一空志乘積習全本經史立言尤喜其
因地制宜斟酌盡善蓋實見之於行事而後
筆之於書固非擗摭浮詞鋪陳故實者比也
余所謂記載貴能得實而立言期於有用也茲
已見於行者君之循績也至其地尚有應行
之政猶多未盡之心非特余曾膺是郡負疚
素餐即君久官此土吾知其皇皇求治之心必

大同縣志序

四。

有不能不奉於夙夜間者匪異人任也君久書
上考行將超擢以去後之君子來官是邑當咸
以君之心為心無忽舊尹所告是則余與君所同
深期望於無窮者爾因不辭而為之序
道光十年歲次庚寅春三月上浣

誥授中憲大夫山西分守冀寧道兼管水利前署

按察使司華州王志澍撰



大同縣志序

昔人謂史氏必兼三長而後良余謂州邑
之纂修志書也亦然非有博雅之才則采
取不宏非有資深之學則考据不精非有
度越尋行之識則本末不明論斷亦不合
三者一偏皆無以信今而傳後雲中朔方
重地中外咽喉古多兵燹歷朝官其地者
要以武備為先而縣志闕如白登平城桑

大同縣志序

一。

乾如渾尚論者訖無成說也方今

聖朝

重熙累洽廣袤極於八紘風會昌明圖志
修列雲薄京畿僅數百里而名山大川之
勝前烈繼起之賢無巨手眼出釐其實核
其是非使採風者昭然若發矇焉不亦汶
閭黻色乎 黎濂薌明府宰是有年撫字
在心疴癢切已四境一室了無隔膜暇復
出其餘緒搜討舊聞諷吟時事以寓導民

之意久之輯為成編郵寄余余披覽之下見其擇焉精而語焉詳視夫擗擗以文陋陳腐以誇多者若天淵然所謂信而有徵者非歟嘗謂治理繁劇者簿書期會所夕鮮暇或有循例修志之舉則聘請友儒登進士紳各抒意見補苴撫拾以成之宰斯土者署銜名於簡端而已非必一鄉一里一人一事皆歷歷於其目耿耿於其胸也

大同縣志

序

二

故其言不必皆傳 濂薌懷蹈儒行嫻習吏治循良報最卓然可稱而又天儀軌象地節堪輿四部七畧之書金鎖玉函之秘莫不條理綜貫閭奧開張於是藉問稼觀風之餘攜模山範水之筆詳辨物宜洞察民隱興利除弊皆所創獲是誠本學問而蔚為經濟者也故能晷步上下權衡今古進退幽宣雖一方之志乘實千載之史筆

至於匡扶誘掖之實心農田水利之實政培養膏脈維持風化民和神福嘉祥疊紀有足與中牟三異河清十奇被金石而揚絃管者雲人士口碑所誦也余聞之稔矣爰撮其梗概書於篇末以質余鄉者薦剡濂薌之言之不虛也云爾

時

道光十年歲次庚寅春二月朔有六日

大同縣志

序

三

賜進士出身

誥授中憲大夫翰林院編修

記名御史雁平兵備使者北平俞恒潤撰



大同縣志序

今

天子御極之七年余奉

特簡典郡雲中雲中隸廳州縣凡十大同其首邑也山環
採掠水抱桑乾長城界其北雁塞峙其南西眺朔漠
東瞻白登屏全晉而拱

神京巍然重鎮其民儉嗇質樸崇節義而務稼穡猶有陶
唐氏之遺風焉名公鉅卿義夫節婦代不乏人四方
之士皇華載道東錦驅車憑臨山塞流連景物發爲

大同縣志序

文章抒其情性者亦接踵而見大同雖一邑乎實雲
中之要區也乃自置邑以來歷漢唐五代宋遼金元
明迄今數千年闕焉無志夫志猶史也其不同者史
記天下之事志止一隅史記一朝之事志自建邑至
今在封內者例得皆書建置沿革具焉星象職祥著
焉山川險阻土風物產備焉食貨兵防祠祀教寓
焉名臣哲士貞媛之風列焉利病于是乎存得失于
是乎見勸懲亦于是乎寄無志可稽則興革變通之
故將無所攷山川毓靈忠孝節義與夫蓄道德能文

章者久亦同于榛蕪之湮沒俗何由勵風何由淳歟

今邑令黎君慮其散失而無攷也銳然以輯志爲己
任于是設局分曹發凡起例蒐羅舊聞採訪新事爬
梳抉剔會萃而折衷之不數月告成事請序于余余
披閱至再喜其核而詳也憤而不俚文而不夸也於
以嘆黎君知爲政之要務有以先率斯民庶幾古職
方訓方刑方之遺意夫後之覽是編者于建置沿革
知古今之興廢于山川疆域知形勢之扼要于人物
知吏治民風之蒸蒸日上于人文知科甲文章之駁

大同縣志序

駁曰上于賦役之不繁知

國家輕徭薄斂于風俗之大淳知

聲教漸被誕敷且于營屯防練之要關塞城堡之設知
向之列屯衛者今皆設爲城邑向之謂邊陲者今皆
視爲腹地又以見

聖朝重熙累洽中外禔福直駕唐虞三代而上之然則是
書之成洵足表一統之盛光當代之儀矣豈僅資攷
据備觀省云爾哉爰爲序

道光十年庚寅春正月知大同府事大名崔允昭譔

新纂大同縣志序

夫紀事之體昉乎書作史之難莫如志粵稽職方訓方小史外史地志之學聿有司存羸劉以來著錄蔚起漢地理風俗記遠莫能詳唐元和郡縣志今爲最古其博采人物名勝古蹟題詠則有樂史太平寰宇之富且賅縷列軍州赤畿戶口山川則有王存元豐九域之精而核覈然冠首卓絕兩家他如吳郡新安雍錄齋乘各記方隅咸號善本遙遙在昔落落數人繇斯以譚成書非易况大同縣倚郡

大同縣志序

一

治繫平城上溯趙肅之防邊中更拓跋之都會陪京置於金代五堡築自勝朝如渾桑乾紛呶聚訟雲岡磨笄分合隨時史書數千餘年版籍二三百里非有大雅閎達之彥能無棼絲冗聾之虞乎東鄉黎君含章通理綏德撫仁南豐辦香西江詩派秉李百藥之慧言足成家生艾千子之鄉文能名世蜚英桂苑出宰桐封襄城不煩尹賞移劇引春秋以斷事用經術以宜民久已戴張潭若慈君呼蔡謨爲朗伯播諸輿詞勒作州書矣乃六緊十雄之報最共薦

循良而四部七畧之旁通勤蒐文獻謂茲邑風無志乘俾後來何所攷徵累歲編摩自我草創於是唱衙甫畢啜茗揮毫判牒小閒焚香削牘吏散人稀之候風靜青琴鳥啼花發之辰雨甘紫塞鄴侯之牙籤萬軸子京之銀燭兩行落紙如飛下筆不點其詳審也如其鞭絲察稻之精明其刊削也如其拔薤去草之果決其權衡進退也如其表宅里而別淑慝其集思廣益也如其循阡陌而問農桑竟委窮源河東不遺三篋麟次櫛比建章能畫千門劉知幾雅

大同縣志序

二

擅史裁傳僧祐自修治譜星霜七閱鉛槧一編皆目存腹集而成洞其利病無耳食口傳之說可見施行非徒爲政風流抑亦才人經濟也讀檀弓而重物始定知此帙之不祧慕新吾而寶銘詞庶幾前賢之克嗣是爲序

皆

道光十年歲次庚寅季春穀雨後三日

山西忻州直隸州知州前署大同府知府餘姚史夢蛟撰

史夢蛟

史夢蛟

草創大同縣志自序

知輕重以權知長短以度令之於邑也亦然廣袤二三百里其間原隰高下之分剛柔燥濕之異而生民之氣質因之察方隅之形勢明古今之損益準其盈虛衡其緩急非有志焉安所考鏡也哉州縣之志昉於前明者多漢唐以來號爲圖經蕭何入關先取圖籍是也蓋戶口田賦山川險隘之載於版圖者自昔然已志則參以史體然史識天下之事而志非境內不錄史備一朝之記載而志自唐虞三代皆得以上下其議論故尚簡悉近於固博觀難免於

大同縣志 卷首 序

浮襲公家言則郭廓而不親必也展卷而得其指歸所謂因地以制宜補偏而救弊者庶幾近之歟大同立縣最古索其圖經縣志則向未有焉偶於故牒中一印一鑿詢其陰陽流泉茫如也况欲求古人之治迹規利弊以爲張弛其將曷據哉於是公役之下不憚周歷旁覽五百八十村其距城之道里其村落之方位其山間水曲向背脉絡之情流衍分合之勢無不筆而記之歲月淹遲拊循於東阡西陌者不知凡幾大都民性之所同民氣之所異與夫閭閻日用之奢約皆耳飫而目熟矣利有可興而預防其患

昔有不毛而近可使菑固嘗曰與斯民相講求而切究者焉久之積而成帙聊資公牘之助初非爲成書計也至若勵文風於學校覈賦役於成憲考營建之興廢校邊防之疎密地爲重鎮則兵制亦重古爲都會則古跡尤先凡此皆司牧者所不容已於地方之事不後於簿書期會者也而中輔以洫茲七年得以從容諮訪援昔証今觀其得失而達其源流亦未嘗非拙者之效焉暇時取曩所錄節刪而聯屬之彙爲一冊客有見者曰志畧已備矣盍增訂爲縣志乎嗚呼中輔渺見寡聞安敢言志哉賴邑中諸紳士

大同縣志 卷首 序

執筆墨以從事設局分曹發凡起例蒐羅軼典採輯新編上自漢魏以迄於今學士大夫之流風逸韻故家遺俗下逮閭門里巷匹夫匹婦凡有彰風教而式民行者折衷於史法而進退之嗟乎設官分土數千百年矣孰不以爲邊塞荒涼詎可語於文章勲節也哉茲全書告成繫以地者披圖而如見也定於制者數典而無遺也而人物之彪炳於史傳盡足以信今而傳後豈扶輿磅礴之氣鬱之又久萃而顯於今日歟抑造物者有所待而然歟而亦何幸歟人之傑者地自靈運會之升降隆替人爲之也中輔所以

於興雲橋不禁重言三復於卷中也然莊子曰迹者履之所自出而迹豈履哉有能神明於治者豈必斤斤然銖兩尺寸以求合乎安知異日者聲明文物不尤勝於今日也乎則今所爲志僅草創焉耳志也云乎哉道光十年歲次庚寅春正月十有二日邑令黎中輔撰



大同縣志

卷首

序

三

大同縣志卷首

凡例

一志必繪圖所以辨疆域定方位資考証也蓋山時川流觀其動靜脈絡則尺幅而具千里勝景名區漸其襟情履迹則千古皆在目前故圖必徵實始與古今紀載相爲發明若夫夕照朝烟霜鐘漁唱不過眼前詩料而已各處皆可移掇於義奚取

一雲中自漢唐以來久爲重地志爲典要之書當明所尤重北魏都平城而風會已開前明築五堡而邊防益密風土學校輿通都名邑相抗衡營制武事非偏隅僻地所經見考古者不爲傳說所訛省方者得備輶軒之採此志之所由作也

大同縣志

卷首

凡例

一

一山川人物古蹟必共相貫串或古今分合各異亦當辨其源流府志以磨笄夫人首列女無如磨笄山之非境內也省志磨笄山在代州夫代地先於雲中安得以雲統代其有實屬雲產而爲分合所訛者亦當辨之以免滋惑若何忠愍之通籍注威遠堡考其經魁坊建於雲城祖墓孫支亦在大同按何氏家譜明太祖還太原軍以實威遠衛何氏在從中其時未立朔平府故威遠屬大同今割歸左雲故自朱竹垞曹秋岳兩先生以後之名流題咏皆不收入藝文以嚴疆界之辨

一節性防情禮樂之用大矣卽嫺習儀文亦陶淑之助也有相沿而不知其失者如春秋丁祭按

大清通禮上香讀祝三獻飲福皆承祭官升東階自殿左門入退及殿左門北面揖出降階復位今各州縣引贊退由殿右門無北面揖之儀必遵通禮行之始能見對越之誠趨踰之節今備載學校卷中以為士子觀摩之益至士庶人昏喪二禮錄通禮以示周行則風俗有厚望焉

一唐俗勤儉一語晉人作志者皆引之不知居今日而猶上溯十五國之風何異言山者必曰導自崑崙也乎府志以史記代北之民任俠為奸不事農桑登之風俗不知言各有為貨殖一傳太史公發憤之所為作也今於歷代地理志等書不鈔錄一字而以今日之閭閻習尚質言之物產亦不侈陳其常有者無足

大同縣志 卷首 凡例

二

志希有者罕得而志氣寒霜早之區而誇言豐饒是誣也茲風土一冊藉免雷同

一年表本於史體作志者多仿之旁行斜上文簡而事彙然有謂體例嚴重一州一縣非通志之比可以不立者竊謂官師一冊以表列之則同時同官瞭如指掌他如選舉科目固無庸此一人物之見於史傳者必備錄全文而其人之本末始見若刪節其事實則挂漏殊多改竄其字句則文義不古即寓賢如朱弁洪皓古之不辱君命者也若舍宋史不錄另撰數行而謂足以抒其忠義之氣耿日月而薄雲霄竊恐未必有此筆力耳再四籌之以直錄史傳為是

臨汾志以史傳入
藝文義亦未安

一善善從長史家之通義居今日而言孝友言行義動引古人以繩之斯亦苛矣苟有一節之可取亦可為民行勸也然體例必嚴以蓋棺為定論且稍涉嫌疑則務從割愛至事親而僅曰溫清盡禮行義而僅曰好善樂施毫無實事徒託空言則批示發房俟再訪察志貴矜慎未便遽登

一劉向之傳列女採其閨範之足為法鑒不專取節操也後世多以割股療姑殺身殉夫之事為奇究之輕庸行而崇激烈非古人間教之軌則焉命婦稱賢不稱節蓋守節其固然耳

卷中如夫人從府志節婦移人賢媛有司獄凡守義不污者例得隨案請

大同縣志 卷首 凡例

三

旌表綽楔旣榮則志乘宜先至窮簷小戶無力請

旌者必訪聞甚確而年壽復高始為備錄茲以賢媛列首而節烈

次之庶足分清眉目

一藝文志詩文二卷雖於名流翰墨時賢著作極力蒐羅然自愧學殖荒薄聞見空疎於各家文集詩集未能窮搜博採且成書頗速廣輯為難深恐義例未安惟冀

宗工哲匠正其差謬匪特

中輔之幸且邑人之幸也
豫章黎中輔瀛鄉再識

大同縣志

目録

卷首

序文

凡例 目錄 銜名

卷一

圖考

卷二

星野

星圖 占候 彙度 考證 新月 歲時

卷三

沿革

地考 地志 民里 屯里 辨證

卷四

疆域

四鄉 指掌 山川 水利

卷五

營建

城池 衙署 街坊 祠祀 倉儲 橋梁

卷六

關隘

卷七

都會

古蹟 后妃 藩封 巡幸

大同縣志

卷首

日錄 四

卷八

風土

風俗 昏禮 喪禮 物產

卷九

賦役

戶口 稅課

卷十

學校

卷十一

官師

卷十二

選舉

進士 舉人 武甲 武科 副貢 拔貢

卷十三

宦績

卷十四

營伍

卷十五

武事

昭忠附

卷十六

人物前

史傳 忠節 儒林

卷十七

人物後

文苑 功階 孝友 行義

卷十八

列女

賢媛 節孝 貞烈

卷十九

藝文上

古文

卷二十

藝文下

古今體詩

卷尾

雜志

志餘

第一本

卷首至卷四

第二本

卷五至卷八

第三本

卷九至卷十一

第四本

卷十二至卷十四

第五本

卷十五至卷十六

第六本

卷十七至卷十八

大同縣志

卷首

日錄

第七本

卷十九

第八本

卷二十至卷尾

大同縣志

鑒修

大同府知

府崔允昭又直隸大名縣人戊申

纂輯

大同縣知

縣黎中輔源江西南鄉縣人乙卯

分訂

大同府儒學教

授陳衍震東絳人壬子

大同府儒學訓導

李澤兌山河津縣人甲子

分攷

大同縣儒學教

諭聶應聘湯榮河縣人庚午

大同縣志

卷首

銜名

六

大同縣儒學訓導

武錫珪東榮河縣人庚午

經始

原任大同縣儒學訓導

喬世哲解州人辛酉

理局

大同府經

歷章知仁松崖大興籍紹興人監生

董工

大同縣縣

丞張從簡敦陝西潼關廳人附貢

督刊

大同縣典

史章視三竹山大興籍紹興人監生

本籍紳士

參閱

戊子科

舉人

李發上林

戊子科

舉人

袁儒錦文藻

編次

癸酉科

拔貢

生楊霖雨林

癸酉科

拔貢

生張志仁耐亭

校錄

候選訓導

歲貢

生劉士遠漸子

附

貢

生郭輯五蘭溪

校刊

縣學

廩

生郭庭槐蔭堂

候選教諭

恩貢

生姜系岳西堂

附

貢

生霍宗文止敬

附

貢

生張慶餘庭有

大同縣志

卷首

銜名

七

總局

原任天津衛守備

時年九十四歲趙萬邦靜庵

原任順天府司

獄何應樞漢章

卽選縣

丞王綿德興

卽選縣

丞郭百里寄堂

採訪

縣學

廩

生黃文傑蔚然

縣學

增

生楊森玉立

縣學

增

生王國柱翼堂

縣學

附

生孟師曾省三

稽考

太學

附

生郭鳴鑾西軒

繪圖

縣學

附

生師文春園

圖

大同縣志
卷一
圖考



一



大同縣志
卷一
圖考

二

